


Cumün da Val Müstair



Reglamaint per las taxas d'attach e d'adöver pel provedimaint d'aua e da chanelisaziun

2009

I. TAXAS D'ATTACH (excl. imposta da plüvalur)

Art. 1 Finanziaziun

Per financiar il provedimaint d'aua e da chanelisaziun preleva il cumün taxas. Quistas sun liadas al scopo e ston gnir cudeschadas sün ün conto separà. Avanzs ston gnir miss a reserva sün ün fondo illa bilantscha cumünala.

Art. 2 Taxas d'attach per l'aua e la chanelisaziun

Per attachs vi da la rait publica d'aua e da chanelisaziun preleva il cumün üna taxa d'üna jada, e quai a basa da la valur nouva (Neuwert) da la stima da la sgüranza chantunala d'edifizis.

La taxa d'attach importa:

- Aua: 1 %
- Chanelisaziun: 2.5 %

S'augmanta la valur nouva da la sgüranza d'edifizis davopro tras müdadas da fabrica esa da sbuorsar ün pajamaint implü, il qual correspuonda al surplü da la valur, resguardà vain ün incharimaint chi po gnir indexà (Baukostenindex). Implü vain concess üna reducziun da 15 % da la valur nouva.

Art. 3 Pajabel

Las taxas d'attach ston gnir pajadas avant co cumanzar cul fabricat. Ils quints vegnan facturats a basa dal preventiv da fabrica. La permischiun da fabrica aintra in vigur pür davo pajà las taxas d'attach. Il quint definitiv segua dalunga cha la stima da la sgüranza chantunala d'edifizis es avantman.

II. TAXAS D'ADÖVER (excl. imposta da plüvalur)

Art. 4 Taxa d'adöver per l'aua

Las taxas per l'adöver d'aua importan:

- Taxa fundamentala pro chasada/ economia, abitaziun / chasa da vacanzas ed affars: fr. 60.00
- Taxa d'adöver seguond quintadur: fr. 0.30 m³
- Per adöver d'aua d'idrants: in max. fr. 100.00
- Fit annual per quintadurs d'aua fr. 30.00

Art. 5: Taxa d'adöver per la chanalisaziun

Las taxas per l'adöver da la chanalisaziun importan:

- Taxa fundamentala pro chasada / economia, abitaziun / chasa da vacanzas ed affars: fr. 150.00
- L'adöver vain miss a quint a basa dal consüm: fr. 0.80 m³
- Pro l'agricultura vain bunifichà: 12 m³ / vachada

III. DISPOSIZIUNS FINALAS

Art. 6 Excepziuns ed augmaint / reducziun da las taxas

In cas specials po la suprastanza cumünala decider sur d'ün'eventuala reducziun da las taxas da consüm. Nu stuvevan las taxas plü cuvernar las expensas dal cumün, po la suprastanza tillas adattar.

Art. 7 Dret da recuors

Cunter quints tramiss dal cumün po gnir tut recuors infra 20 dis pro'l güdisch administrativ dal Chantun Grischun.

Art. 8 Entrada in vigur

Quist regulativ aintra in vigur cun l'accept tras la radunanza cumünala e quai retroactiv süls 01.01.2009.

Acceptà da la radunanza cumünala dals: 26.06.2009

Il president,
Arno Lamprecht

Il chanzlist,
Not Manatschal